



24. septembari 2024

UKA2024/18

Uunga siunnersuut Kalaallit Nunaanni aningaasanik nuussinermi paasissutissat ilanngullugit nassiunneqartarnissaannik inatsisip allanngortinneqarnissaa pillugu inatsisissatut siunnersuut.

(Aningaasaqarnermut Akileraartarnermullu Naalakkersuisoq)

Siullermik Siumumiik Naalakkersuisut qutsavingerusuppagut sulingasuarsimanerannut,, Inatsisartullu siulittaasoqarfiata aalajagiiffissatut siunnersuutit akueripallussimaneranut.

Siumumiik pingaartipparput aningaasaqarnermut inatsisitigut peqqussutsinnut malinnaajuarnissarput. Malinnaangikkuttami EU-p avataaniittutut inissassangaluarutta niueqatigiinnermi, aningaasanik nuussisarnikkut atuisunut ilungersunartorsiortitsilersinnaangatta.

Inatsisip akuerinissaa pisariaqarpoq, nunani tamalaani ineriartorneq tassunga ingerlammat, EU- lu aningaasanik peqquserluttoqarsinnaanerani akiuineranut ilaallutik.

Inatsit una akuerigutsigu, inatsisit atuutereersut sukaterneqassapput, tassanilu annerusumik aningaasat krypto- nik taaneqartartut soorlu Bitcoins ilaatinneqalissallutik, aningaasanik nuussinermi paasissutissanik piumasaqartalernikkut. Tassa nassiussisoq aammalu tingusisusaaq kikkunerminnik uppernarsaateqassapput, atornerluinissat, malunnarunnaarsaanissarlu pinngitsoortikkumallugit.

Siumumiik taamatut oqaaseqarluta Aningaasanut Akileraartarnermullu ataatsimiisitaliamut suliassanngorlugu ingerlateqqipparput.

Tassunga atatillugu oqaatingilaarusuppara Inatsisitigut suleriaaserput aammalu nunatut inissisimanerput inerisartariaqaleripput. Tassami Nunarput EU- miik aninikuuvoq, tamanna aamma ajunngilaq, kisianni ilaatigut unammillernartoqarsinnaavoq. Tamakkiisumik EU- mut ilaasortaanissaaq nunatsinnut orniginanngilaq, tassami Europami nunanut sanilliulluta allaanerungaarpugut, sorpassuartigut.

Taamaammalli periarfissat allat misissorluarnissaannut uninngassanngilagut. Tassami soorlu Savalimmiut, Schweiz- lu bi-lateral- mik isumaqatigiissuteqarput, Norge, Island EØS- mut ilaapput, tamakkiisumik ilaasortaanatik. Nunatsinni EU- mut suleqateqarnerput nalilersungassaavoq, pitsaanerpaamik nunatta inissisimanissaa eqqarsaatingalugu, nerippungalu, Naalakkersuinikkut tamakkua eqqumaffigineqarumaartut aammalu periarfissaappat nutarteriffigineqarnissaanut aallartitaqarfik suleqatingalugu nalunaarusiorsinnaallutik.

Qujanaq.

Kuno Fencker, Siumut